

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1909332928, 1909332913 և 1909332906 որոշումներն անփոփոխ, իսկ վարչական բողոքն առանց բավարարման թողնելու մասին

<<10>> 05 2019թ. 17-13 2149

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Խաժակ Համբարձումյանի 45028-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ավան վարչական շրջանի Դուրյան թաղամասի 34 շենքի 44 բնակարանի բնակիչ Խաժակ Համբարձումյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին թիվ 1909332928, 1909332913 և 1909332906 որոշումները՝ նշելով, որ իրավախախտումներն իր կողմից չեն կատարվել:

Դիմումի քննարկման արդյունքում պարզվել է, որ դիմումատուի փաստարկն անհիմն է և Ճանապարհային ոստիկանության վարչական տույժ նշանակելու մասին թիվ 1909332928, 1909332913 և 1909332906 որոշումներով կայացված վարչական ակտերի անվավերության հիմք չի կարող հանդիսանալ հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 32-րդ հոդվածի 3-րդ մասի համաձայն՝ այն դեպքերում, երբ ճանապարհային երթևեկության կանոնի խախտումն ամրագրվել է տեսանկարահանման կամ լուսանկարահանման միջոցով, ապա սույն օրենսգրքով նախատեսված վարչական պատասխանատվությունը կրում է տրանսպորտային միջոցի սեփականատերը, իսկ եթե տրանսպորտային միջոցը հանդիսանում է իրավաբանական անձի սեփականություն, ապա այն անձը, որին ամրացված է տրանսպորտային միջոցը կամ տրանսպորտային միջոցն ամրացնելու իրավասություն ունեցող անձը, եթե չեն ապացուցում, որ խախտումը կատարել է այլ անձ:

Դիմումատուին վարչական պատասխանատվության ենթարկելու մասին որոշումների հիմքերում դրված տեսանյութերը հստակ ապացուցում են, որ իրավախախտումները կատարվել են **35QR945** հաշվառման համարանիշերի տրանսպորտային միջոցով, իսկ Խաժակ Համբարձումյանը Ճանապարհային ոստիկանության պետին հասցեագրված նախկինում դիմումով հայտնել է, որ Ճանապարհային ոստիկանության վարչական տույժ նշանակելու մասին թիվ 1909273547, 1909234817 և 1909214153 որոշումներով արձանագրված իրավախախտումների ժամանակահատվածում տվյալ տրանսպորտային միջոցը վարել է ինքը, ինչը հիմք ընդունելով, Ճանապարհային ոստիկանության վարչական տույժ նշանակելու մասին թիվ 1909273547, 1909234817 և 1909214153 որոշումները ճանաչվել են ուժը կորցրած և կայացվել են թիվ 1909332928, 1909332913 և 1909332906 որոշումները՝ Խաժակ Համբարձումյանին վարչական պատասխանատվության ենթարկելու վերաբերյալ:

Այսպիսով, վարչական տույժ նշանակելու մասին թիվ 1909332928, 1909332913 և 1909332906 որոշումներն իրավաչափ են և բեկանելու որևէ հիմքեր առկա չեն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1909332928, 1909332913 և 1909332906 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Խաժակ Համբարձումյանին:

Կատարող՝ Ա.Միրզոյան

